

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Beneficiorum Ecclesiasticorum Natvra, Erectione, Qualitatibvs Ad Ea
Obtinenda Requisitis ...

Leuren, Peter

Coloniæ Agrippinæ, 1704

205. Cujus sit habere, & indicere concursum.

[urn:nbn:de:hbz:466:1-74477](#)

irrationabilitatis; sed etiam, quia, dum non causant effectum suspensivum, impediuntque praelectum, quo minus is possessionem beneficij adipiscatur, & in eo ministret, necesse est prosequi causam appellationis in judicio ordinario per tres sententias conformes, & frequenter etiam per quartam executoriam, quod magnam temporis & pecuniae jacturam requirit, magnaque secum trahit incommoda. ita ferè C. Luc, ad Trid. d. 32. n. 20.

Questio 205. Cujus sit habere & indicere concursum?

1. Respondeo primò: indubitate hoc esse Episcopi ejus diocesis, cuius sunt parochiæ, pro quibus instituitur concursus, ut constat ex Trid. cit. sepe c. 18. indubitateque hæc potestas habendi concursum respicit ipsam potestatem Episcopalem, à qua animarum cura dependet. Lott. l. 2. q. 31. nn. 44.

2. Respondeo secundò esse etiam hanc potestatem faciendo concursum, & consequenter ex approbatis eligendi digniorem penes Vicarios generales Episcoporum. Corrad. l. 3. c. 3. sub num. 10. Garc. p. 9. c. 2. n. 117. Et quidem ex generali commissione sine speciali mandato, regulariter namque potest Vicarius ex generali commissione ea, quæ sunt jurisdictionis, nisi specialiter excipiuntur, qualiter non excipitur celebratio concursus. Garc. ibid. & p. 5. n. 8. procedit que id ipsum etiam, ubi esset locus gratificationis inter plures approbatos æquè idoneos. Garc. ibid. & cit. c. 8. n. 88.

3. Respondeo tertio: esse quoque penes capitulum sede Episcopali vacante potestatem indicendi & habendi concursum, cum haec potestas sit jurisdictionis, qualia sunt omnia concernentia ordinationem Ecclesiarum, quæ proinde sede vacante transeunt ad Capitulum (quicquid sit respectu ponendi tœconi, de quo vide Lott. l. 2. q. 2. n. 30.) Idem Lott. l. 2. q. 31. num. 66. & seq. C. de Luc. ad Trid. d. 32. n. 30. ubi tamen advertit juxta S. Congreg. declarationes, debere id facere Capitulum per Vicarium à se pro tempore sedis vacantis deputatum: nec posse id sibi reservare, ac per se capituloiter, vel etiam per aliquos Canonicos ad id deputatos hujusmodi actum celebrare.

4. Respondeo quarto: esse etiam hanc potestatem penes Abbates, qui praterquam, quod nullius sint diocesis, habeantque proprium distinctumque territorium, omnino modumque in eo jurisdictionem quasi Episcopalem (ad quam proinde etiam jus synodus convocandi spectat, hoc enim ipsum est jus Episcopale. Corrad. loc. cit.) privative, ita ut Episcopus ibi jurisdictionem nullam exercere possit, nulli nisi sedi Apostolica immediatè subjecti (quos vel ex hoc ipso, quod eis competant omnia, quæ Episcopo in suo territorio, exceptis, quæ sunt ordinis, non male vocari diœcesanos, ait Lott. loc. cit. n. 36. juxta Gl. in Clem. unic. de foro competente V. diœcesanis) habent usum insuper congregandi synodus, dum constat hanc ab iis legitimate celebratam, & in ea Examinateores synodales constitutos, prout declarat S. Congreg. ad cit. c. 18. Tridentini.

5. Respondeo quintò: indubitate etiam, ut ait Lott. loc. cit. n. 39. facultas hæc pertinet ad eum, qui lite pendente inter Episcopum & alium talem prælatum inferiorem super hac ipsa jurisdictione subrogatur tantisper per Papam.

6. Respondeo sexto: quod si Parochialis nullius sit diocesis, nec in diocesi, ut tamen servetur

forma Tridentinæ, Episcopus vicinior concursum indicet & habebit. Ita responsum à S. Congreg. testatur Lott. loc. cit. n. 63.

7. Respondeo septimò: hanc potestatem non esse penes Patriarchas, respectu parochialium existentium in diœcesi Episcopi provinciæ suæ, etiam dum earum collatio ad eos spectat, sed debet tum quoque haberi concursus per istum Episcopum, in cuius diœcesi sunt istæ parochiæ, & dein conferri à dictis Patriarchis non nisi illis, qui approbat & examinati per concursum fuerunt ab Examinateoribus synodalibus istius Episcopi, qui & ipse jus habet tantisper constituendi in illis Vicarium cum congrua, donec provideantur de Rectore. Eadem S. Congregatio ibidem.

8. Respondeo octavò: Abbatii multo minùs, alterive ulli collatorii inferiori competit hæc potestas, aut ullam hujus Officii partem attingere licet, eadem S. Congreg. ibidem, recitatque has ipsas declarationes & alias plures Paris. de resign. l. 8. q. 9. num. 93. & ex eo Corrad. loc. cit. Porro dum circa collationes hujusmodi parochialium locus est præventioni inter Ordinarium & alium quæcumque collatorem inferiorem, per hoc, quod solius Ordinarii sit, habere concursum, non auferatur, nec impeditur jus illud præveniendi in altero; poterit siquidem juxta suggestam ei à sacra Congregatione cautelam hac ratione jus suæ præventionis tueri: nimur coram Notario, declarando, se velle dictam parochiam conferre, & ideo rogare Episcopum, ut edicta pro concursu proponat: vel curando fieri instrumentum publicum, in quo sit assumpitus certus dies, & in quo protestetur, se in ea ipsa Ecclesia conferenda Ordinarium seu Episcopum prævenire, ipsamque illi conferre, quem Episcopus idoneum elegerit, ex iis, quos Examinateores approbatint, ac ideo se ei denuntiare, ut edicta proponat, curetque examen fieri suo tempore. Has Congregationis declarationes ex Paris. loc. cit. n. 102. refert Corrad. atque se ita vidisse & audiisse plures practicari.

Questio 206. In quibus casibus ritè prævideatur parochialibus absque concursu?

1. Respondeo in sequentibus: primus, dum res signatur parochia in favorem alicuius coram Papa, seu in manibus Papæ, admittiturque ab eodem; sufficit enim tunc resignatarium ab Examinateoribus synodalibus probari idoneum. Corrad. l. 3. c. 3. n. 5. Paris. l. 10. q. 7. n. 15. testantes sic quotidie practicari, hunc esse notissimum stylum, ac ita sepe respondit S. Congregationem, cuius quamplurima responsa clarissima ex Parisio recitat ad fusum Corrad. Sed neque in hoc casu dicitur propriè vacare beneficium. Barb. de potest. Episc. alleg. 60. n. 21. Cassad. de renunc. decis. 3. Corrad. loc. cit. qui pariter pro hoc citat binas S. Congreg. declarations clarae, committuntur autem in hoc casu provisiones Ordinarii, qui examinatis resignatarii & repertis idoneis parochiales hujusmodi conferant, ut quoque habet S. Congreg. apud Corrad. loc. cit. dum enim resignarius neque est in Curia Romana præsens, neque ad eandem transmisit testimonium sua idoneitatis, expediuntur literæ in forma dignum, quas acceptas resignarius præsenteret suo Ordinario, ut examinetur tantummodo ab Examinateoribus synodalibus cum Ordinario citra omnem concursum. Contrarium verò est, & exigitur concursus, dum parochiale beneficium resigna-